

四庫全書

集部

欽定四庫全書

江湖小集卷二十二

宋 陳起 編

李韓翦綃集

過臺城

雲慘烟愁苑路斜
馬嘶殘日沒殘霞
繞籬野菜飛黃蝶
宮殿餘基長草花

孟遲

曹鄴

長孫佐輔

張喬

金陵春日

登臨吟望思無窮
折盡青青賞盡紅
白鳥影從江樹沒
數峰春色在雲中

貫休

薛能

劉滄

李咸用

寒食日花讌

萬象鮮明禁火前
紅英翠萼簇芳筵
殘春未必多風雨
少別穠華又隔年

溫飛卿

劉兼

鄭谷

韋莊

湖上贈新得意者

湖上新正逢故人
天明騎馬入紅塵
憑君莫話封侯事
枵櫓量金買斷春

嚴維

王建

曹松

盧延讓

惆悵詩

覺來燈背錦屏空
自愛殘妝曉鏡中
寂寞閑庭春欲晚
垂楊無力受東風

王之渙

元稹

劉方平

李咸用

繡林紅岸落花鈿
目極雲霄思浩然
漳浦病多愁易老

滿庭榆莢似秋天

劉兼

溫飛卿

司馬札

雍陶

初夏偶賦

野烟喬木弄殘暉
虛室無人乳燕飛
正是清和好時節
青叢花盡蝶來稀

羅隱

劉商

韋莊

司空曉

宿建溪

樹侵閩嶺漸無霜
一望繁花一縣香
寂寞舟中誰借問

隔簾微月入中倉

黃滔

盧綸

郎士元

歐陽詹

夏日松陵道中

烟岸人稀艸色中
火天無處買清風
西南一望雲和水
萬樹鳴蟬隔斷虹

鄭谷

施肩吾

竇鞏

李商隱

秋晚泊吳江塔院寄王抱節

雨後沙虛古岸崩
水風霜氣夜稜稜
冷烟粘柳蟬聲老

高塔晴來獨自登

陸龜蒙

白居易

杜荀鶴

鄭谷

漁人野祭

婆官賽却坐江隈
烟水悠悠霽景開
精魄不知何處在
野風吹起紙錢灰

李夢符

趙嘏

常雅

吳融

酬左行之金陵夕遊

宮城日晚度寒鷗
新意雖多舊約賒
商女不知亡國恨

恨君嗔折後庭花

劉滄

許渾

杜牧

薛能

書山居女冠繡樓

一渠流水數家分
絃管樓中永不聞
燈下此心誰共說
紫烟衣上繡春雲

項斯

趙嘏

清塞

鮑溶

雪

細玉羅紋下碧霄
縈叢自學小梅嬌
閑吟只愛煎茶澹

旋斫生柴帶葉燒

羅隱

秦韜玉

薛能

杜荀鶴

密片無聲急復遲
夜來誰向月中歸
江湖不見飛禽影
寒鎖侯門見客稀

方干

王初

杜荀鶴

劉義

三衢道中

桂玉愁居帝里貧
南行無罪似流人
橘村籬落香潛度
漸覺生衣不著身

李羣玉

杜荀鶴

姚合

王建

天城貴家妓

龍山晴雪鳳樓霞
烟水初消見萬家
寶枕垂雲選春夢
隔簾微雨濕梨花

李商隱

竇鞏

李賀

呂溫

送通上人謁賈寺丞

進乏梯媒退又難
近因多難怕長安
相知莫話詩心苦
乞取新詩合掌看

羅隱

吳融

薛能

劉禹錫

與鄭澹然

曾是朱門寄食身，生生計祇長貧。
清閑自可齊三壽，他日相逢乞藥銀。

杜荀鶴

賈島

李咸用

周賀

送黃中入吳門

行到鱸魚鄉裏時，一宮花渚漾漣漪。
看春又過清明節，更把愁心說向誰。

項斯

陸龜蒙

竇常

杜荀鶴

桐江客舍酌客

一片離心白羽輕
桐廬江上晚潮生
客來吳越星霜久
身賤多慙問姓名

高蟾

李郢

郎士元

盧綸

春日詠懷

客舍青青柳色新
溼雲如夢雨如塵
經年抱疾誰來問
萍梗何年是住身

王維

崔魯

賈島

李羣玉

春陰初過海棠時
病客遙聽百舌兒
縱有芳樽心不醉
落花如雨淚胭脂

薛能

盧仝

許渾

沈亞之

南郭晴步

春城無處不飛花
南陌晴雲稍變霞
高下麥苗新雨後
不教閑地著春華

韓翃

李端

杜荀鶴

吳融

送人歸雪城

江籬初綠怨騷人且向東溪種白蘋
別恨最深何處寫數株殘柳不勝春

劉長卿

李建勳

李端

劉禹錫

遊法華寺

野寺尋春春已遲春山一路鳥空啼
何人為倚東樓柱可有文詞詠碧雞

李涉

李華

杜牧

吳融

贈野廟祈雨老巫

桑條無葉土生煙
上德由來合動天
銅鼓祭龍雲塞廟
對花歌詠似狂顛

李約

方干

劉兼

張籍

秋日得鄭茂弘書

野燒空原盡荻灰
逐臣千里寄書來
蟲聲竟夜引鄉淚
舊館秋陰生綠苔

劉滄

盧綸

戎昱

賈至

采藥翁

滿頭霜雪背青山百歲身心幾日閑
異果奇花香撲面往來惟在酒徒間

賈休

戎昱

王穀

盧綸

出元符宮逢雨

水流黃葉意無窮倚棟星開牛斗宮
風入古松添急雨暮程還過秣陵東

皇甫冉

陳陶

盧肇

韋莊

金陵送客

雁行高送石城秋，客散江亭雨未休。
日暮征帆何處泊，楚雲湘月憶同遊。

沈彬

岑參

孟浩然

許渾

江西秋日送客遊洞霄

一葉梧桐落半庭，暮猿千曲玉峰青。
不知白髮誰醫得，仙侶無何訪蔡經。

薛能

陳陶

高蟾

張賁

楓橋晚泊

水闊風高日復斜
鷺鷥繚繞入人家
船頭繫箇松根上
霜葉紅於二月花

左偃

周繇

皮日休

杜牧

秋夜長

丹鳳城南秋夜長
殘蟬急處日爭忙
如何銷得淒涼思
水色簾前流玉霜

沈佺期

吳融

李九齡

徐凝

題郵亭

荆卿雄骨化為塵
春草秋風老此身
行盡江南數千里
未曾逢著獨醒人

陸龜蒙

劉商

岑參

杜牧

玉山客夜

暫憑尊酒送無寥
香印風吹字半銷
明月斷魂清藹藹
桑林蠶後盡空條

李商隱

許渾

高蟾

李頻

僧房聽琴

帝鄉羣侶杳難尋
禪思何妨在玉琴
紅葉間飄籬落迴
幾曾牽破別離心

李羣玉

楊巨源

朱慶餘

齊己

山居老將

腰間寶劍七星文
不下青山老白雲
門外碧潭春洗馬
鎮南人憶杜將軍

王維

武元衡

韓翃

楊巨源

送林貢君歸閩

曉山初霽雪峰高
漁釣牛蓑且遁逃
晝夢不成吟有興
便攀龍眼醉香醪

許渾

羅隱

李中

章碣

送景道士還山

古羅衣上碎明霞
自說歸山人事賒
金鼎藥成龍入海
定知仙骨變黃芽

陸龜蒙

羅鄴

黃滔

戴叔能

贈琴客

一寸心中萬里愁
七條絲上雨脩脩
此心不向常人說
彈作薊門桑葉秋

王周

賈島

羅袞

韓翃

宮怨

得寵憂移失寵愁
上皇行處不曾秋
淚痕不學君恩斷
空逐春泉出御溝

李商隱

長孫翺

劉媛

司馬札

畫松

畫松一似真松樹
小手篇章徒爾為
荒齋幾度僧眠起
認得巖西最老枝

景雲

杜荀鶴

清塞

竇庠

村舍

渚煙深處白牛歸
稚子焚枯飯客遲
風動葉聲山犬吠
今朝出郭不相隨

司空圖

錢起

王建

張籍

越中清明

柳色千家與萬家
閑身行止屬年華
殘花落日小齋閑
幾箇春舟在若耶

武元衡

薛能

趙嘏

王翰

寄茅山講莊子道侶

不用燒蘭望玉京
人間無事不曾經
大椿枯後新為記
從許人間小兆聽

鄭壁

李咸用

皮日休

陸龜蒙

重寄

竹杖芒鞋稱野情
醉鄉無貨没人爭
近年已絕詩書癖
誰問山中宰相名

無則

皮日休

張賁

陸龜蒙

重宿吳林居園亭逢雪

小隱西亭為客開
舊題詩句沒蒼苔
銀河風急驚沙度
酒作凌澌火作灰

許渾

鄭谷

李咸用

姚合

遣興

春色何因向酒疎
畫簷愁見燕歸初
不知獨坐閑多少
釋悶還拈架上書

姚合

徐凝

來鵬

隱巖

青嶂青溪直復斜
水天狼籍變餘霞
朝來逢著山中伴
騎馬城西檢校花

顧況

薛逢

趙嘏

王定

牡丹

一年生意屬流塵萬葉紅綃剪盡春希逸近來成懶病
落時青帝合傷神

李商隱

盧士衡

溫飛卿

唐彥謙

三月晦日留客

莫為輕陰便擬歸殘花應逐夜風吹共君今夜不須睡
正是王孫惆悵時

張顥

李昌符

賈島

溫飛卿

夜坐

雨收殘水入天河樓上美人凝夜歌一點新螢報秋信
故園寥落近滄波

王定

許渾

賈島

鄭谷

子規

吳王舊國水煙空墳塚高低落照紅帶月莫啼江畔樹
幾人遊宦別離中

陳羽

李羣玉

李中

杜牧

偶作

獨立空山冷笑春不須歌調更含嘖平原累累添新塚
死者還曾哭送人

崔魯

薛能

雲表

歐陽詹

遠客愁

五湖烟水接遙天
子夜新聲何處傳
少婦不知歸未得
思量大是惡因緣

裴瑤

顧況

盧弼

裴誠

欲殘牡丹

寥落衰紅雨後看艷多烟重欲開難氛氲蘭麝香初減
裊露陰霞曬不乾

元稹

羅隱

李建勲

方干

牡丹中白牡丹

春風吹我入仙家香勝燒蘭紅勝霞別有玉盤盛露冷
天教晚發賽諸花

劉兼

白居易

開元名公

劉禹錫

浙江晚渡

繡轂香車入鳳城
春風猶放半江晴
潮聲歸海鳥初下
一片傷心畫不成

羅隱

方干

劉滄

高蟾

西陵旅夜

漁曲飄秋野
調清半牕殘
月帶潮聲不知短
髮能多少
一夜新添白數莖

陸龜蒙

雍陶

韓偓

王叡

寄西山僧

門掩松邊雨夜燈門前歧路自崩騰誰知獨夜相思處
曾看莽西瀑布冰

齊己

貫休

廉氏

鄭谷

姑蘇晚泊聞吹鷓鴣

紅映高臺綠繞城
舊衣菱女畫橈輕
誰家玉笛吹殘照
更聽鉤輅格磔聲

趙嘏

殷文珪

劉兼

李羣玉

偶作

心如野鹿迹如萍只願陶陶不願醒
楚國蕙蘭增悵望
雨中嵐影洗還青

羅隱

韋莊

陳陶

楊奇鯤

竹

錦籜飄零粉節深
萬竿如束翠沈沈
子猷歿後知音少
忍剪凌雲一寸心

殷文珪

李涉

羅隱

李商隱

燕

一巢功績破春光
短羽新來別海陽
千里春風正無力
落花徑裏得泥香

王崑

滕白

溫飛卿

鄭谷

贈琴僧楊堅

窓中早月生琴榻
獨閉山門月影寒
澗水松風生十指
冰囊敲碎楚金盤

方干

顧況

隱巖

薛濤

江寺老校書

振鷺翔鸞集禁闈一生只著一麻衣
湘宮水寺清秋夜猶擁青編獵是非

唐彥謙

貫休

皎然

陳陶

答江南友人

却笑孤雲未是閑
書來未報幾時還
江南無限蕭家寺
名畫偏求水墨山

施肩吾

竇羣

陸暢

鄭谷

都市月下逢吳伯言

水亭山寺二年吟月下相逢辨語音無限春愁莫相問
一年不見一年深

杜荀鶴

盧綸

趙嘏

雍陶

丹陽道中

漠漠野田空草花柳塘烟起日西斜村園門巷多相似
竹裏縹絲挑網車

錢起

鮑溶

雍陶

李賀

紅樓女

三三五五結同心夾巷重門似海深坐怨玉樓春欲盡
不知歌舞用黃金

施肩吾

吳融

崔顥

盧綸

清隱樓

清隱仙書小篆文挂簷數片是秋雲平郊遠見行人小
石路泉流兩寺分

鮑溶

良乂

岑參

權德輿

辛卯江西秋日

舉目雲山要自迷
千門萬戶鞠蒿藜
數州城郭藏寒樹
況復時聞烏夜啼

李嘉祐

唐彥謙

李遠

賀蘭進明

友人山齋

寂寂寥寥揚子居
自收雲藥讀仙書
雲深路僻少人到
養靜資貧兩有餘

駱賓王

張籍

周朴

白居易

寒食

一年惟此兩三辰落拓東風不藉春
歌酒家家花處處
何曾紫陌有閑人

熊孺登

李山甫

白居易

羅鄴

野岸花

紅枝欲盡紫枝殷
少有行人輟棹攀
芳艸隴邊回首客
肯將榮落意來看

盧綸

羅鄴

殷堯藩

吳融

再遊茅山任宗師上庵

一片仙雲入帝鄉
寒嵐依約認華陽
玉池露冷芙蓉淺
過客空來禮影堂

賈至

皮日休

許渾

麴信陵

句容道中即事

秋風漠漠吐寒雲
田熟家家將賽神
山下女郎歌滿野
一雙長箭繫紅巾

賈島

張籍

曹鄴

王建

代野老作

浮世浮名能幾何青山滿眼少年多有時捫蝨獨搔首
目送歸鴻笑復歌

杜荀鶴

李端

李頎

錢起

道傍古松

寒流石上一株松一半死皮藏蠹蟲石馬雙雙當古樹
龐眉書客感秋蓬

盧仝

朱灣

耿湣

李賀

塞上曲

賀蘭山下陣如雲，擬報平生未殺身。
誰道古來多簡策，古來名將盡為神。

王維

王建

耿漳

劉禹錫

塞下曲

都護今年破武威，
磧烟堠火夜深微。
金釵漫作封侯別，
白髮生頭未得歸。

皎然

江為

沈彬

令狐楚

送春

三月惟殘一日春，豈知惆悵有閒人。
隨風未辨歸何處，斜日橫窓起暗塵。

令狐楚

杜牧

姚合

趙嘏

百和初薰越布衣，一年春盡送春詩。
滿庭芳草坐成恨，貧過長安櫻筍時。

韓翃

杜牧

劉滄

鄭谷

秋曉聞蟬

聲引秋絲逐遠風，月輪移出上陽宮。
病來旅館誰相問，

玄髮侵愁忽似翁

劉兼

杜牧

李九齡

趙嘏

馬塍賣花者

十里宜春下苑花
濃香染著洞中霞
採夫移得將何處

擔入宮城許史家

唐彥謙

韓偓

劉言史

吳融

漁父

罷釣歸來不繫船
坐看秋水落紅蓮
江鮮野菜桃花飯

高唱夕陽孤島邊

司空曙

施肩吾

李羣玉

沈彬

贈費道士

強梳蓬鬢整斜冠
夜聽步虛山月寒
縮地往來無定所
洞天誰道却歸難

陸龜蒙

顧况

護國

唐求

春夜

日日日斜空
醉歸敗裘披
苦見毛稀杜鵑啼
斷回家夢

夢掃蘆花絮客衣

劉象

陸龜蒙

劉言史

張蠩

古觀

仙觀曾過知不遠
古壇春雨蘚生磚
行逢買藥歸來客
誰解登高問上玄

朱慶餘

若虛

項斯

鄭谷

過烏衣巷

王謝風流滿晉書
東南一望可長吁
平蕪隔水時飛燕

更有何人在此居

羊士諤

羅隱

李建勲

方干

宿破寺

恥將興廢問休公道似危途動即窮
冷極睡無離枕夢
橘邊沾海半罍空

溫飛卿

羅隱

杜荀鶴

許渾

江湖小集卷二十二

欽定四庫全書

江湖小集卷二十三

宋 陳起 編

施樞芸隱倦遊稿

余下壬辰第始學詩間吟殊未與意合甲午往來錦
谿或自家山趨京城萍汎不羈每多感賦至市橋見
月之句若有悟解及乙未秋入吳攝庾臺幕丙申秋
復過越訪東畊先生喟又少暇日搜故篋得五言七
言絕句可意者僅百篇題曰倦遊稿嗟夫自三百篇

以後無詩騷乃詩之變五言又騷之變余何者輒敢
言詩然性嗜詩時發於機動籟鳴亦不自知其僭姑
以識後日所學之進否云浮玉施樞書

立春

雪花風細拂春旗一色雲邊漏暖曦羣吏守文行故典
長官書祝致新祠土牛底事遭身碎綵勝隨時把鬢欺
爭似野人閑可睡枕邊搔髮自吟詩

感春

等閑羈旅欲歸難又見疏盤簇綵幡九十日春從此始
萬千心事對誰言梅邊粉墜寒香骨草際青歸野燒痕
且把一盃酬好景花風今日已翩翻

春前一日雪

歷頭只有今朝臘猶雨霏霏滿太虛六出試粧梅欲妬
萬花飄絮柳難如雲凝慘送玄冥旆風舞歡迎青帝車
始信春工多富貴便堆白玉滿前除

春多日

春到谿山已近旬，尋春猶自負深情。
愛閑長向梅邊立，趁煖時從竹下行。
苦乏詩材無可借，更嫌酒病有餘醒。
算來豈是因名利，纔有關心便不清。

贈湖邊柳

亂撒鵝黃拂曉晴，天涯多少故人情。
遊船空逐輕陰轉，半屬春風半屬鶯。

夢遊徑山值雪擁爐賦詩

雪天元自冷，何況是山中。

此聯是夢中句

雙徑衝寒霧，千林戰

晚風室中人已定爐內火常紅萬事皆如夢誰知夢亦空

次蒙齋至日韻

試撿清臺歷黃宮氣已回功名難強致歲月任渠來雨
逕猶存菊煙村可問梅為貪吟有伴到此又徘徊

玉泉

水蹟無增減從知地有靈羣魚潛異窟一芥納滄溟濟
隱新畱詠超師舊講經聖時調玉燭龍睡不須醒

老僧念佛

身世皆空境知空自不悲何須臨暮日
逐急念阿彌裴相安心際維摩懺罪時
同歸無有地明月在秋池

和菊潭韻題秋潭買山圖後

身世如萍漫浪休機心誰遣誤沙鷗
從來風月驚人句即是湖山買屋謀
訪友定尋雲外寺攜壺須上竹邊樓
知音自有漁樵侶莫被人稱第一流

對雪

怪得連陰不放晴直教飛雪試輕盈風回冉冉霓裳舞
雲暗紛紛鶴羽明大似梅花饒一出薄於柳絮更多情
披衣端為詩催起吟得詩成分外清

霸國祠

類說中有及臨安縣土地始末者城狐社鼠
妄自依憑可愕而怒也及來錦溪因式是祠
三肅而薦之以詩

瓶笙驚晝睡此意有誰知蛙井成何事鴻圖豈易窺一

身雖戮辱萬姓免瘡痍茅土今何在惟存霸國祠

早起

早起看花露西風把鬢欺心清多在道夢好亦成詩過
但思求已生無事皺眉功名緣底事到手却如遲

漕關揭曉後述懷

畫眉深淺與時殊肯向堂前怨舅姑自是吾儂多蹇薄
可堪爾汝肆擲揄心知不是池中物恨獨羞看屋上烏
得喪總為身外事不如委命樂樵蘇

畫眉事出
朱慶餘詩

聞鴈

飛盡沙田到水鄉
年年來往為誰忙
只貪月夜蘆花宿
不是將身傍稻梁

通真觀

袁都錄自號凝安御書扁其堂舊有桃源洞
今踪跡湮沒不復可訪

不到凝安二十年
丹青一幅尚依然
青牛已去仙踪遠
却有山禽下玉田

桃源事已成荒幻那更形容學避秦欲訪舊踪無處覓
滿山花落不知春

泛月夜歸

短艇衝寒泛淺沙滿溪明月浸蘆花忽驚遠岸燈光發
籬落蕭疎一兩家

龜溪市橋見月

樓臺疊翠遶清溪淺澹雲邊月一眉行到市聲相接處
傍橋燈火未多時

寄寶藏壁天瑞

路轉小橋東，羣龍擁梵宮。
荇花明晚水，蓮葉向秋風。
匠斧應休役，禪窻定費功。
笑他塵俗者，客路每匆匆。

夜寒有作

可怪輕寒薄，短衾起來搔首。
傍燈吟百年，易老風前鬢。
萬事難侵水樣心，鴈叫雲天秋。
渺渺蟲鳴露砌夜沉沉。
朱絲自寫無人識，一曲寥寥太古音。

入京

何期又泛玉京船行止於人不偶然寒力勝如前兩夜
世情熟似近三年只將興味留詩裏苦乏工夫到酒邊
萬事看來忙不得只須委順樂吾天

憶孤山

孤山不是遠只隔鳳城門爭賞詩家句誰招隱士魂秋
風林下塚寒月水邊村擬待梅花發長吟酹一尊

小樓獨坐用菊潭壁間韻

簾捲疎風入小樓夕陽銜鴈欲西流無人細說吟邊事

獨有黃花共晚秋

別高家店

獨抱朱絃識者稀
湖山與我獨相知
煙迷柳岸經行少
月照梅窗做夢遲
酒價寒高誰與貫
衾綿夜薄自多思
歸舟又值商量雪
好似清溪訪戴時

夢回

銀漏迢迢箭緩傳
夢回月在早梅邊
小池凍合寒蘆折
應是鴛鴦夜不眠

馬上

只為谿山有宿盟
兩旬兩度此經行
馬嘶險逕霜蹄滑
鷗舞平沙雪羽輕
豪氣不從塵外減
新詩偏向道間成
梅花似有相迎意
野水籬邊數藥明

讀真西山奏疏

和議從來不可憑
誰令漢祖議和親
連衡休易從游說
厝火當憂卧積薪
黯在淮南謀自寢
亮亡司馬志方伸
本強始見遐衝折
信是經綸直要人

新月照雪

等是尋常月因添雪更明看他同樣白與我一般清睡
鶴應難認棲鳥亦屢驚梅花仍有意相伴聽寒更

雪晴

送臘終宵舞知春破曉晴燒痕隨草長霽色映梅清溜
滴簷簷折冰開沼鏡明夜窻如對月還又憶輕盈

對雪

誰使霓裳逞細腰隨風盡日袂飄飄飛花却訝春將遍

舞片還驚凍易銷看熟似同鷗過渚興仙剛道鶴冲霄
吟成誰與相酬酢賴有疎梅伴寂寥

正月十四夜

羈游偶值上元時蓮艷燒空照錦谿堂上珠簾如水浸
庭前鰲架與山齊風傳鼓吹春聲鬧雨過笙歌夜語低
自笑蓬窻勤苦士何當太乙為燃藁

新晴

寒窻寂寞度殘冬接得春來雨又風芳思悠悠空自遠

清游欸欸與誰同
林梢淡抹煙初霽
菜甲新抽土旋融
多謝殷勤簷鵲舞
數聲足喜夕陽中

分韻春字

柳外鶯聲錯喚人
小樓嗔苦不知春
落花飛過秋千去
一片閑情客裏身

綠字韻

曉帳香銷閑畫燭
夢回山斷屏風曲
輕煙細雨客情多
南浦草隨新漲綠

書事

閑時但覺求人易
險處方知為已深
世事盡隨流水去
白雲自識古人心

所見

齊眉沉醉綺羅叢
心事誰知付去鴻
不惜千金留粉黛
更無一語怨東風

閨思

簾底臨鸞惜歲華
鬢雲慵掠寶釵斜
落梅香斷無消息

一樹春風屬杏花

湧金門外

柳絲舞困起炊煙羅綺相催欲上船
貴冶亦知春有夜
煖沙還付白鷗眠

春夜賦小字

岸桐花開春欲老
目斷斜陽芳信杳
東風不筦客情多
杜鵑啼月青山小

再行湖上

樓臺萬疊照斜暉紅褪園林綠漸肥艷是杏桃開過了
春風吹到野薔薇

小樓對月

京國誰曾念旅游開情芳思兩悠悠却因今夜欄干月
引得春風上小樓

晚望

芳草迢迢客路長柳邊吹絮燕泥香桐花拆盡春歸去
猶倚危闌問夕陽

再賦酬吳鞠潭

酌酒酬春醉晚紅誰知書劍兩無功
漁竿冷浸半絲月牛背閑消一笛風
仙夢不隨狂蝶亂家書只倩素魚通
友聲更擬遷喬去底似人情較異同

覽鏡

心到無營本倦游何期身又客王州
匣藏青鏡閑情薄衣染紅塵滿面羞
風月幾曾於我少波濤半是為人憂
故山幸自堪耕釣不必生涯足是休

牡丹

天然貴格鎮羣芳
細雨叢中試寶粧
肯與亂紅爭國色
却同柔綠挽春光
玉闌倚困嬌無力
金鴨沉煙不敢香
可惜承恩亭北賦
苦無妙語告君王

畱別詩僧

家山方纒繆客路復西東
自念依明世誰令策雋功
三盃桑落酒一棹柳花風
別後詩應好吟成寄短筒

送春

相逢九十日彼此惜芳期折柳停閑騎嚼花吟好詩經
年行遠別對景起深思日落不知處舊山啼子規

懷友人

錦野重來已秀萼雨肥梅杏粉痕銷晚山四面子規叫
曉樹一聲婆餅焦耐久交當如水淡慣游身亦似蓬飄
老鶯不省春歸久猶自教雛學徙喬

後塢示壁天瑞

幾年不到已公齋客裏明知未定家生滅無邊方共語

滿山春雨落松花

即事

暝色分煙上遠峯
雨聲斷處又晴風
寶香羞冷閑情遠
落盡薔薇一架紅

簷玉鳴

曉窻風細響簷鈴
一曲雲瑤枕上聞
夢斷不知仙路杳
鶴銜松露入青雲

東天目

三潭之下有九溪之隔三潭之上有百丈瀑
泉之勝飛橋之險涉深攀緣止到第三池上
兩池及飛橋則無計可觀所以限仙凡也又
有東西二井石室朝陽三洞黃冠厭人遊覽
不肯指引僅披荆
莽題名朝陽洞中

不辭巖險訪龍潭潭底無窮碧似藍亂石鳴灘谿過九
飛泉瀉瀑塹分三雖然道士能相引不比樵人得盡諳
怊悵飛橋無路到乘風應許御雲驂

不謂山行得此晴有名勝處必須經玉田草滿春無極
石室人稀夜不扃自料俗情應厭倦誰知幽意在空冥

碧桃却似傳消息一曲瓊歌月滿庭

西天目

茗水之源出此山地如邾魯始躋攀三池浚澤高岡上
一勺為霖反掌間著脚不知蒼漢近無心直共白雲閑
何時結屋枕泉玉滌盡塵根學大還

題朝陽洞中

東天目

一吸龍泉萬慮清更尋古洞入柴荆桃花落盡春無路
獨許騎鸞上玉京

題至道宮雲巢軒

西天目

碧霄路底作生涯
雲亦何曾定有家
月印天池心宇淨
水鳴環珮出松花

別天目

東尖森洞穴西目浚淵庭
三日若為霖羣龍亦有靈
立依松作蓋坐倚石為屏
猶恨歸鞍急回頭望遠青

聞西山訃音

奪到斯人處天心亦杳冥
嘉謀猶未罄直道信無靈
四

海方思雨中營忽隕星羣賢知孰附客淚欲飄零

芍藥

雖殊桃李競年芳色相惟應付夢鄉
綸閣曾看金縷艷
藥宮初試玉樓粧
露凝深淺煙中淚
日汎溫柔雨後香
幸蜀歸來花正好
可憐不忍看嬪嬙

天女霜刀剪亦難
露紅煙紫碧闌干
步搖衣袂飄霞珮
鈿合釵梁間寶冠
枝上任他無力笑
燈前還作有情看
采根若可蘇民病
始信無經載牡丹

玉蝴蝶花

芳意深深掩綠苔
粉團香翅自裴回
多應又怨春歸早
化作飛花滿樹開

小瓊花

臨安縣齋山花一株四月盛開無識之者傲
樂天招賢寺花體以小瓊花賦之或謂婆羅
花

合是孤根在廣庭
世間那得此雲英
霓裳一曲天香散

惆悵瑤階月自明

欽定四庫全書

午寢

舊詩零亂滿藤牀
綠映簾深一縷香
午夢驚回槐國遠
浮生消得幾斜陽

道間

一溪新綠漲晴沙
傍岸疎籬八九家
桑葉又抽麻正長
綠陰深處響縹車

再觀錢廟

荒碑五丈蘚生花
飛鼠巢梁壁綴蝸
華胄遙遙天下滿

不知誓券落誰家

牆外竹

森森新竹亞牆屏
籜解餘斑粉淚零
幸入詩家窮相眼
可能不為此君青

題鶴林丈室用俞紫薇韻

物我相忘付入還

坡詩

偶來瓊館扣霞關
玉峯自有三

生約

玉藥花事

塵世真同一夢間
華表風清丹頂去
緱山月

冷碧笙閑當知象外機
無息肯羨黃金繫九環

歐詩

五到洞霄兼似冲妙

多謝名山不厭人
五來此地著閑身
泉聲帶雨驅煩暑
空翠縈風絕點塵
金鼎火能知應候
玉壺花自占長春
何時許證三生約
乞借煙霞與卜隣

楊蟾川鐵佛普度會

甲午冬

重陰九疊幾曾開
廣布陰功亦異哉
八景定中朝十極
五雲深處步三台
煙騰綠字鸞初下
月照黃壇鶴未來
去地一珠如黍米
天人競湊鬱羅臺

煒燁神光燭素屏苦魂蒙度語堪聽但知實相皆非相
自證無形入有形火煉赤鑪超上景水流華沼蕩寒庭
功成試問誰能似元子真人舊典刑

夜泊黃灣

移近黃灣泊短篷野雲垂地一溪風渚香吹散荷花雨
幾點流螢出葦叢

夜涼聽雨

暑雨沉沉夜正清涼欺客枕夢頻醒雖然未是秋時候

滴在梧桐亦厭聽

西河柳

一把輕絲拂地垂
柔梢淺淺抹燕脂
絮花吹盡枝方長
却恨春風未得知

三過垂虹

秋來三度過垂虹
灝氣橫江水接空
帆影輕浮千幅月
漁竿冷浸一絲風
楓初落葉前村近
荷有餘香別浦通
笑拍闌干天地濶
鱸樽酒許誰同

滄浪

長史遺踪二百年直教名字到今傳
渚香細浥蓮鬚雨
野色輕團竹尾煙但得幽情關水石
何須隱迹痾林泉
客中正有塵纓在來此清遊亦是緣

水次秋蚊可畏

利觜似花鷹針膚不暫停有生何蠢蠢
藏毒在冥冥
亂舞迷昏水喧聲接曉汀
風威秋晚勁看汝易飄零

中秋日虎丘呈庾使東畎先生

蹇步接輶軒於山亦有緣
劒鋒遺斷石閣影倒平田
紫日穿林暝黃雲共野連
清輝無著處月伴使星圓

清夜

客身隨取止一室冷如冰
景遠吟何託情疏夢不曾
雨粘初蘚壁風謝欲花燈
豈是無家者甘為有髮僧

客中雨思

細雨粘雲結晚愁黃金垂地
菊錢流風來不覺窻聲戰
分却羈懷一半秋

聞鶴

誰家嘹唳九臯聲
客夢初回曉帳清
華表不知仙路遠
剛隨寒角轉殘更

秋夜即事

斷雨寒雲過暝窻
落桐葉葉是淒涼
楚山不入清宵夢
月影蛩聲滿桂鄉

對菊

欲荒三逕負歸期
魂夢何曾到短籬
九辯不歌陶令老

清香還許入誰詩

開爐次夕以不禁離抱來訪宏菴挑燈細語漏
促忘歸即事有賦時黃澹翁在焉

客裡情懷不自如夜深來訪子雲居挑燈細按新翻曲
拂案同看舊架書梧葉敲風蛩砌冷菊香消雨鶴庭虛
相逢且與開眉笑莫遣吟邊酒殘疎

雪

只消頃刻便漫漫人亦求窺造化難柳外情知非絮落

梅邊誤作有花看
朱門合席持杯煖
紫塞分屯坐甲寒
慨想英雄當此際
肯分事業與袁安

和庾使和毛君玉送墨梅韻

東風吹上歲寒枝
筆下工夫頗涉奇
此搯直應同晚節
有香亦合併冰姿
淡於淺水籠蟾夜
清似疎籬壓酒時
春在小窻橫幅裏
調羹深意許誰知

蠟梅送東畎先生併寓探梅之意

澤國寒深未見梅
東風何日到南枝
玉堂應有新消息

恐是人間未得知

劒池

雨壁煙崖翠蘚長
龍泓冷浸斗牛光
獨憐有水清無底
不洗花池粉膩香

生公講臺

有點頭石

千人湊坐雨天花
片石雖頑識當家
萬境俱空非有相
漫留塵跡與人誇

寄陳藏一

萬人如海亦紛紛還著江湖有限身題葉恨深波影遠
嚼花吟苦月痕新羨君朝市情俱薄笑我山林趣未真
名勝搜羅能盡否細論何日許相親

送同幕劉正父召試

合是水壺真露寒果然筆札對金鑾雖云經世談何易
謾道憂時事轉難正氣必能回壞證中流當與障狂瀾
熟知議論平如砥且把清規作樣看

紹興城隍廟

芸隱以東畎先生命來游高會時星夕後一日問宿江干明喚西陵渡忽夢登一山上有祠宇甚偉下瞰數峯奔伏于前面一小峯峯立一塔數氷橫陳清澈可愛趨後廡見一婦人立於西廂謂余曰公前身乃太湖神仙也回視東壁皆丹砂顆粒鮮明因取十餘塊吞之冷然而悟茫怪荒幻初無足紀適謁東畎令暫止于府貳之南廳翌日書院渚丈携尊慰藉便道訪西園徑城隍廟俯觀卧龍山勢起伏前對秦望下有應天塔庭宇壯觀彷彿夢中經行處因以中元日欸祠下三肅賦詩城隍姓龐諱玉唐人曾鎮此土

江頭曾夢見彷彿此山川幻說從何證來遊即是緣嫗言前世事我是太湖仙神理俱冥漠清香謾致虔

借張憲韻述懷呈東畎先生

早起看秋意山前深未深水香飄遠渚晴色上平林風
雨一雙鬢江湖萬里心何期來此地時作短長人

初泊世綵

紹興南倅廳

不問蕭條傳舍空來歆客枕聽西風一庭明月無人玩
秋在梧桐落葉中

早起

簷前鳴玉響丁東清夢初迴鶴帳中早起井梧飄一葉

方知昨夜是秋風

風雨

入夏惟憂旱秋來却浸霖
風聲連海響山氣與雲深
望歲丹心切憂時白髮侵
旅中無別事隱几自長吟

禹廟

袞服嚴常祀平成萬世功
圭璋藏道室弓劍莽幽宮
石定音釘今猶在梅梁事莫窮
幽尋須作計多恨雨匆匆

高園


入門雖較小中却是壺天委曲松篁逕清新錦繡篇蟠
胸有丘壑隨處是林泉更讀鰲峯句風流似謫仙
扁名俱不俗難得此規模一鏡荷香冷四圍花逕蕪
治寬魚自樂竹靜鶴同孤做盡東州景何須作畫圖

夢前室

長夜幾年別傷哉千古心自因緣較淺不是老相侵熊
夢如先兆鸞膠豈續琴曉窻秋葉響不覺淚盈襟

西興寄呈東畎先生

生平未始識東州不謂招邀得漫遊
南鎮門前秦望曉西興浦口浙江秋
風搏怒氣潮初落山湧青冥雨乍收
豈為登臨重回首使星只在五雲頭



江湖小集卷二十三

欽定四庫全書

集部

江湖小集卷二十四至
七

詳校官中書_臣張姚咸

助教_臣常循覆勘

覆校官主事_臣龔敬身

校對官助教_臣胡子襄

謄錄貢生_臣李 標

欽定四庫全書

江湖小集卷二十四

宋 陳起 編

施樞芸隱橫舟稿

樞丙申冬趨漕舟官戍小廨泊崇新門外傍河依

柳髣髴家居剡剡之餘時作一二解殊自適丁酉鬱

攸挺變場地焦土轉徙不常脩繕御前諸營投身竹

木瓦礫中奔走不暇及涉筆冰幕塵埃益甚經年僅

得十餘篇非曰忘之勢也戊戌秋捧檄東越鑿石障

江因登蓬萊挹秦望探禹穴訪蘭亭上會稽中峯謁
陽明洞天山川之秀陶鎔胸次間唸一聯自謂可意
故所得最多亥春旋幕董築江隄清事始盡廢矣嘗
觀銀濤萬疊瞬息去來翠山數點空遠呈露非不足
以發雅思而動雄心而無一語及之者亦勢也歲晚
壩岸成樞秩適滿裒集舊作共百二十題先正詩云
野水無人渡孤舟盡日橫與樞官業偶同遂命曰橫
舟稿嘉熙庚子元日樞書

輪差祝聖所拈香

瓣香來謁玉晨宮
月在觚稜絳闕東
轉向御街西畔過
朝天萬馬正匆匆

幾度來游幾賦詩
又因將命到靈芝
三呼祝了君王壽
偷眼湖光立片時

至日謁廟吳山見日初出

曦龍浴海上扶桑
雲表輝芒燭萬方
史館繽紛書瑞色
禁城奕燧鎖祥光
從知繡線添紅影
獨喜丹心向太陽

節裡官閑無一事諦觀易道靜焚香

解宇傍河髣髴家居

合是清溪近處居在官却與在家如柳風拂岸時鳴櫓
梅月橫窗夜讀書休問舟閑無喚渡須知水到自成渠
俸錢已足供薪粒比著簞瓢儘有餘

昨夜

昨夜陰風刮地鳴亂敲窗紙夢魂驚壁寒剝落泥成片
屋老漂搖瓦作聲野市霜明人蹟險官河水冷客舟橫

翻思帶甲眠戈者何幸
吟身傍帝城

月夜憶梅花

夜深寒月照窻紗
忽憶林逋處士家
鷗鷺正眠煙樹冷
不知誰可伴梅花

生朝報恩夜醮

絳節翩翩七寶車
謠歌飛上玉皇家
鶴壇月冷天風靜
開盡碧桃無限花

菊潭賦小窻睡香次韻

兀兀蒲團萬慮除
定回寒月滿康廬
幽香自有禪心會
春不相知亦任渠

夜聞城中簫鼓

簫鼓喧天競看鐙
都民應喜見昇平
芳心自不同年少
細嚼梅花坐月明

和東園鄭震見寄

薄官來京洛相逢久
更親丹心期為國
白髮易催人月
冷烏驚夜霜明
鷄喚晨吟邊頻自感
還染九衢塵

題桃源圖

山中與世不相關
鷄犬桑麻盡日閑
傍水桃花春爛漫
誤傳消息到人間

和菊潭玉泉韻

不是靈源透碧虛
可容六六化龍魚
講經人去前湖暝
翻手為霖自有餘

酌瓜疇趙鑪夫投贈

謀生百拙世無如
贏得心清剩讀書
薄宦喜從京國路

閑身還似野人居
濟川事業歸商傳
獻賦聲名羨子虛
歲晚且留梅作伴
吟邊月冷一枝疎

仲孚歲晚書懷因次其韻

終有徵書訪綺園
心期獨向老天言
物情已逐東風轉
未必全歸野燒痕

端平除夕

宦遊來此亦隨緣
過了新冬又餽年
今夕桃符猶自寫
明朝栢酒讓誰先
但令世道皆平地
此外身名任老天

春與詩家如有意早傳清夢謝池邊

嘉熙元日

先春一日紀正元熙號初更氣候暄萬象光隨黃道轂
千官班奏紫宸門梅迎霽色來窻底柳挽和風到水根
但願時平年事好升沉有命不須論

立春

彩勝飄春上鬢蓬倚欄一笑問東風青青柳眼梅花面
纔染陽和便不同

雨後道間見紅梅

玄都境界玉堂身，輕裊湘裙步曉陰。
昨夜雨肥添酒暈，紅情染得十分深。

盆梅

白玉堂前樹，誰移此地栽。
看教清意足，喚得艷陽回。
舞片疑雲墮，留香待月來。
只應標格好，獨為歲寒開。

春雪

臘裡霏微未許多，春來舞片却交叉。
混成天地皆同色，

點染園林盡著花岸蹟雲凝迷去鷺屋頭煙煖見饑鴉
東風畢竟能融化不放寒漸冰去聲柳芽

再雪

投曉又翻飛春風亦被欺須知寒徹夜勝似臘殘時艷
粉同梅落輕花替柳吹渾然成片玉凍合在前池

題龍首圖

變化成來體勢高坐令幽思起雲濤春雷一鼓驚頭角
碧海風輕滾絳袍

落梅

粉香銷盡骨猶清
望斷瑤臺轉有情
便是百花無此分
看看事業到和羹

桃花

武陵人去水橫陳
獨向玄都管領春
日煖風輕塵撲面
劉郎空老苦吟身

宿接待寺

梵境忽巍峩
門前對市河
有心弘誓願
於此接經過
郭

近人聲雜簷高雨氣多規摹踰百載猶說喻彌陀

宿龍泉寺

有葛仙丹井

既濟功成列左玄餘波猶作世間泉苔荒碧甃龍宮寂
庭老梅花月在天

橫瀆岸遊梅花方開

雪染梅花倚道傍亭亭野水弄幽芳東風似賞孤高意
未許飄零一片香

竹籬茅舍本相安誰與移根入畫欄儘道重簾妨暖日

疎枝却得護春寒

風標覓與萬花殊可有塵埃染得渠
把住瓊枝相映語
只疑身在玉堂居

雙路

王命馳驅不敢輕文書要覈去來情
青山步步生幽意
碧澗悠悠趁遠程
春淺禽聲猶自小
泥酥馬蹟正宜晴
地名見說名雙路
便舍崎嶇就坦平

寔際窻前睡香

瑞錦窠應對錦郎誰將靈種到幽坊
山深月冷梅花老
壓盡羣英是此香

石橋接待

當年立雪直齊腰
宗旨流傳到石橋
風急窻寒燈影遠
疎櫺無語夜薜銷

手筆華嚴梵笈新
更開寶地接迷津
一聲金磬人初靜
月照空山草自春

聞寺中晚鼓

靈鼉一鼓振潮音
征夢迢迢枕畔聞
語斷頻伽天正曉
松風吹散滿山雲

跨水道間

店舍總迢遙
山深轉寂寥
看鷗臨遠水
下馬過危橋
晴雪林間少
春風野外饒
此行為王事
旅食任蕭條

峒山鋪

未說路行難
山深分外寒
晚村林隱寺
春磧石鳴灘
薄宦曾無補
勞生敢自安
羽書雖較少
備禦莫教寬

杏塘

境接江東界郵程是杏塘雨喧茅屋小泥滑草橋長曠
野人稀少平田水渺茫半生遊歷地未若此荒涼

四安梵惠藏殿

記云曾經兵火不能焚法輪自轉

劫火不能焚空中轉法輪風霜鷗殿古金碧貝函塵物
本由成數人言不壞身却憐無問者遺蹟竟成陳

上司諫曹先生

聲名滿世重於山果見延登左掖班天子虛心求國是

先生著手濟時艱要看出處諸公上只在精神一轉間
前此極言雖引去安危理亂正相關

池萍

一番雨過一番多間挾晴風漲綠波柳絮吹殘遊蹟在
謝池點點是陽和

分賦楊花

曲字

纖腰睡起芳情足誰道春風浪拘束日暮天涯細草多
輕風誤入闌干曲

雨吟

園林綠盡合清和，猶有餘寒在薄羅。
幾縷情風春別柳，一庭苦雨夜鳴莎。
人於生處窮通定，事到難時感悟多。
水上浮漚頻起滅，看來物理總由他。

夜坐有感

不為名所累，應是得安居。
客夢方知幻，身謀反似疎。
風高秋塞遠，雨急夜窻虛。
猶望收來效，頻翻舊讀書。

送黃卷遊金陵

六朝多舊事誰與問江山我亦身重到材疎語竟慳燕
歸秋巷靜鷺去晚洲閑健筆無輕賦前賢轍可攀

酌山月江與投贈

帝里風光好隨緣適宦情却居城郭外不雜市塵聲水
國霜天冷梅庭夜月清正慚無雅韻敢說到詩名

和陸明叟

了無閑事上眉纖一炷清香靜畫簾造化自從回暖律
芬華頓覺轉窮簷輕風度柳春情薄細雨催花土脉黏

所愧微官相束縛何因共訪酒家帘

夜窻聽雨

一炷夜香清挑燈聽雨聲雖然添客夢却可助詩情澤
闕蘭心重泥酥笋角萌山行頻有約日日候晴明

破榴

蜂殼盈盈萬顆珠潤于瑪瑙浸冰壺吟心先去
水嚼了寒霜骨更臞

登應天塔

雲級湧青冥金鰲載寶輪地高心自逸天近足無塵圖
畫千峰晚樓臺萬井春三生許元度曾此證前身

鰻井

在應天塔後羅漢堂舊聞有泉透海後
為婦人所穢今枯涸矣下即濮邸園廟

人言此井有靈源潮落潮生透海門陵谷未須窮變易
朱膺裡是濮王園

大能仁寺

山門八百餘年戊
戌秋震於風雨

規模應甲刹殿閣擁金僊歲歉炊烟絕城低野色連客

僧皆散去主者獨安眠成毀難逃數山門八百年

留滯

何期踪跡又遲留行止於人自不由夢境固知空似蟻
生涯却笑拙如鳩碧涵一鏡晴天濶翠湧千峰宿雨收
從此公餘須杖履未應草草度春秋

曉寒

曲曲屏山憶夢中峭寒成陣入簾櫳宿香銷盡金猊冷
一樹梅花怯曉風

晚思

客思悠悠幸自安亦因吟事可相寬
小窻過了蕪纖雨
細與東風說晚寒

用明叟韻併寓山行未成之意

久客住蘭亭心同晉水清
忘機盟宿鷺伐木聽雛鶯
物亦知人意春寧有世情幽
尋空作計一夜雨連明

苦雨

何期一雨成三日約客行山竟未能
春到分時陰不解

夜當深處氣猶凝
簷低捲箔看飄灑
礎潤添香散鬱蒸
想見故園梅落盡
和羹消息又堪憑

雨中用雪坡韻

無計酬春獨有詩
倚欄終日候晴暉
東風漸屬新桃李
簾幕深深燕子飛

雪坡以雨阻山行有詩因以次韻

為欲看山助眼明
頻占鵲喜報新晴
春光已過三之一
塵世難逢四者并
詩酒深情殊未適
肴蔬薄具亦頻更

終來不似西湖好晴雨皆堪傍柳行

月丹和鶴莊韻

靈種飛來鶴頂紅誰云九轉有仙功
廣庭曾侍東風宴留得霞杯照晚叢

即景

且要盡清懽須知一出難人因晴後喜
春到水邊寬柳長官橋媚梅飄客袖寒
荒祠存禹蹟得得又來看

鏡湖一曲

天與平湖老賀郎
春波依舊染晴光
可憐千載風流意
付與租符曉夕忙

用雪坡春色韻

纔出城門興便濃
晴光野色兩俱融
柳方染得三分綠
桃已熏成一半紅
山湧林巒荒寺隱
湖分港汊小舟通
相携各自論年事
幾度春風上鬢蓬

用梅溪鏡湖韻

畎畝鏡中分滄波
雜斷雲向來官裡賜
今屬野人耘懷

古天難問貪吟日易曛羽衣遺傳本起誦想餘芬

天基瑞應宮

舊毓聖地

金碧耀瓊廬天門繞電區鳥流周室瑞蛇斷漢家符石
井騰曦馭瑶壇布斗樞願將皇極福敷錫徧康衢

送東浦張應發歸永嘉

客裡偶相逢襟懷亦偶同對梅吟夜月折柳問春風子
勿言浮梗余方笑轉蓬歸程經雁蕩得句附郵筒

碧桃

月浸虛庭夜未央一枝靜對白雲鄉三生自結玄都約
來伴疎棋到玉堂

一春屢有陽明之約雨輒尼之將旋幙侍外舅
來游薜蘿二羽衣一能參上道一能知大丹竟
日留話喜賦二解時清明日也

幾有行山約山靈聖得知仙家寧易到塵世亦何為草
潤非煙石花流止水池不晴還不雨正是賣餠時

裂石未嘗關毋將俗眼觀虛中元有受造蘊亦何難羽

客能談道雲房識候丹只應仙有分風響步虛壇

道間見桃李花

東風到處競繁華不問窮櫚與大家垂柳絲中深院宇
隔牆時有出來花

龍瑞宮側訪姑仙不值

輕紅片片落桃花劉阮空迎紫鳳車石洞有天元不閉
何須流水覓胡麻

送妻叔歸括

此身元是客還作送行詩笑語如今度綢繆似舊時買
船春載酒剪燭夜抨棋烟雨樓前景圖來慰所思

出西門寄呈外舅姑

自從依監宅不似闕時親義重難為別情同久更真一
簫思去鳳雙璧倚靈椿只等中除報相迎輦路塵

唐園

內人朝陵此
園供午頓

幽居已似水中仙更有亭臺在屋邊擬作小圖難畫處
一年兩駐內家船

覺苑寺

宋江淹舊宅今山門扁為江寺寺前
橋驛驛中井皆以夢筆名酌水涼甚

此是詞人宅名因後世傳驛中存廢井橋下駐歸船一
夢空塵蹟千年尚福田筆靈應賸馥試為酌清泉

祇園寺許詢舊宅有戚公水

應天曾建塔又此結精廬釋氏緣何熟詩人念總疎壁
荒遺畫水僧老學醫書笑我重來者經年不定居

去年
點木

白洋曾
居此寺

奉和龜翁送別

為說吟邊事曾陪讌笑頻自慚無韻者敢對有名人
雨洗秦山曉波明鏡水春匆匆還別去芳草正如茵

蕭山望城中遺漏

見說天文變頻占太史臺但云星犯月不料火為災
盡夜看烟滅逢人問訊來丹心勤戀闕東向極裴回

喚渡旋幙

半載蓬萊地相携只是詩心懷丹鳳去夢與白鷗隨
俯

仰俱無愧勤勞必有知歸舟平似掌天亦念孤危

江湖小集卷二十四